



乙未亭詩集卷四

長洲 徐昂發

題寫生水仙花

冰雪叢中占好春
洛神元是此花神
月寒露濕瑤葩重
風定香迴碧葉新
人影湘簾窺欲笑
波心翠袖障微顰
采珠拾羽江邊夢
總付徐熙與寫真

海棠倡和詩次韻并序

汪子荆石少年雋才志學於詩古文詞與一時方雅之士游於所居闢書齋三楹誦讀其中庭故有海棠一株生意盡矣一旦芟治荒穢出之蔓草叢棘間加以灌溉明年春時落落作數十花荆石因賦長句一



章志其事已乃徧徵諸詞彥勝流相爲屬和屬予序而錄之鄭夾漈云甘棠棠梨也其花爲海棠花實爲海紅子按爾雅杜赤棠白者棠樊光云赤者爲杜白者爲棠唐風有杖之杜傳云杜赤棠也鄭注北人謂之杜梨南人謂之棠梨然則棠亦稱杜而兼赤白色樊說蓋誤也又按李文饒花木記凡花木名海者皆從海外來如海棠之類是也觀此則海棠乃棠梨之屬而別爲一種夾漈謂其花即海棠者亦誤也玉堂嘉話稱海州東峽島生海棠花深紅香韻殊絕是海棠出海外信矣多識名物亦詩人之務并附著焉以質諸博雅君子

未隨荆棘委庭中
搖曳風前幾點紅
月暈暮霞光不定
酒潮香面態初融
春泥細灌巖泉乳
花塢兼資煙雨功
預想明年開美滿
靚粧濃笑碧紗籠

次韻陸邃歸侍御生朝漫興之作

棕鞵桐帽九峰前
投劾歸來已十年
白社風光人外迴
青蒲議論日邊懸
補天妙手持竿穩
署紙空名飲酒賢
好與先生觀物化
芙蕖行藕竹行鞭

七夕分賦二首

乞巧

明河瞻鳳駕
遠思托金微
巧擬今宵乞
人從何日歸
靈梭疑若信
蛛網是耶非
縱得神鍼力
年年製旅衣

穿鍼樓

柳拂填河鵲花藏曬繡竿庭前瓊席敞樓上佩珠珊弱
縷紫風細金針襲露寒景陽鐘莫動人去玉鈎殘

雜詩

朱蕤何皇皇綠葉何蕤蕤請彈猗蘭搽絲木聲悽惻猗
蘭生巖谷婁絡榛與棘紛紛桃李枝各倚春風力地寒
生較遠未敢輕彫飾春風無私扇終然借顏色幽屏澹
世榮孤芳荷天植繻佩儻有人餘香攬要褭

盤魄野外石乃是天街星當其森布時太陽潛鑄形煌
煌映箕畢奕奕參鈎鈴下界具瞻仰芒采宵中停一旦
精氣散頑礦墮窅冥引蔓絡土菰礪角來山矜雨淋獵

火炙磈礚何不靈不見傳巖說萬古光熒熒

高樹何蓂蓂出屋三十尺有籐婁絡之枝附紛如緋蒙
茸細花紫顛倒尖葉碧本是高樹柯翻作柔籐骨高樹
空义牙柔籐日陵斥山農加斤斧根株看斷圻當其依
倚時不料成末隙樹死籐亦枯相攀復何益

遊犬亭山青棘園次宋穉恭韻

俗名吼山

水碧雙橋護巖虛一棹通天高雲皦皦樹合霧濛濛怪
石排靈掌陰湫閔雨工前身曾省識坐占玉玲瓏

子幼時夢是陶

周望後身園爲周望讀書處泛舟始至恍然昔夢

烏榜參差入迴環洞壑間歌聽新越調看小春山驚
餌魚前却尋香蝶往還倚樓唵眺處酒墨灑斑斑

夢到仇池穴真同此泐寥石疑青
餽結花似火雲燒山特多山
花鶻虛閣長含雨幽泉不趁潮人歸波面靜倒影見清霄

遣興二首

朱家乘駒牛侯羸藏夸門鄭莊宦中廢翁伯裁自存屢
脫國士死終身恥言恩璠璣立義貴崧華片語尊一聞
豪傑困急難如弟昆奈何百世下寂寂空乾坤湛盧埋
囿犴夜氣凌朝暎張雷不並世憫默傷我魂

吾愛陶淵明隱居賦榮木遠躡鹿門踪近追安道躅飢
來從乞食有酒嘗且漉炯然千載心誦詩見幽獨檀公
豈不偉自厭交梁肉黃鵠已高翔耻與鷺鳥逐寄謝丘
園人善保東籬菊

代司寇公題平湖高氏園林詩

江村草堂

載酒楊子宅圍碁謝公墅抱此經世畫渺然寄江渚長
與菰蘆人銜杯相爾汝

鶴巢

老鶴乃仙驥久養凌霄質孤巢寄松根幸近君子室夜
半時一鳴雲穿月初出

醒閣

病夢得良醫渴夢得清茗臧穀與王侯吉惡夢相等何
人識子綦嗒然真夢醒

香雪亭

梅花覆空亭月冷天欲曙中有忘機人冰雪澹孤慮月
落花不言白雲散如絮

漁書樓

諸葛乃王佐曾築讀書臺脫略觀成敗指掌施雲雷爾
雅箋魚蟲瑣屑非竒才

問花埠

隔岬桃花林穆穆落紅藥對面喚欲應清溪半篙水棹
響不見人暗入花叢裏

抱瓮陂

溪暖蜂蝶鬧花草日夜新凌晨抱瓮出甕面波鱗鱗倦
來成久坐野鳥欲欺人

耨月樓

清秋明月夜樓上白雲游白雲滃然墮月濕光不流好
寫撻雲篇題君耨月樓

漱晚磯

磯頭春水香綠霧漲深樹釣絲盡日垂東風蕩飛絮燕
子不驚人銜魚自來去

泛淥亭

蓮葉擁孤亭空香滿朝暮扁舟截波來濃碧開微路野
鴨驚人飛花落不知數

逃禪閣

高閣學逃禪觀心得要妙磬聲響復寂海月生微照飛

花墜我前似共維摩笑

酣春榭

穠樹圍紅榭湘簾映碧濤游魚唼酒暈胡蝶護花陰春
味泥人醉提壺空好音

晚花軒

軒前後皆
植薔薇

枝柔欣得樹花密畏搖風蝶嗅憐香淺鶯銜妬藥紅春
歸偏借閨迸在此軒中

碧梧蹊

鳳凰攬欲下一徑梧桐深颯然風雨來風枝和鳴琴知
君愛古調桃李豈無陰

修篁塢

拄杖入深竹彈琴響秋水月出萬影寒濛濛碧煙裏客
散驚栖禽梢頭亂飛起

香芹澗

紅鯉跳澗上綠水繞澗下鷗鷺導舟行香芹手可把應
充青餽糧不羨桃花鮓

金粟徑

霜澹石氣青天寒桂花發人疑向鷺峰樹似生蟾窟乘
醉踏歌回一月香不歇

秋柯坪

西風捲秋來黃葉紛可掃松檜色不移受性冰霜老草
木豈求全冰霜摧益好

來禽砌

碎石砌魚鱗來禽千樹接先生看花來臨池對香頰門
前好事人競購來禽帖

芙蓉灣

灣頭芙蓉花紅粧俯明鏡紗輕籠淺笑酒重生濃暈人
從花裏回殘霞遠相映

花南水北之亭

紅亭撐翠幕獨坐聞啼鶯溪水俯明鏡中有花枝橫一
夜雨聲急白蘋無數生

蔬香園

盧公飽蒸壺庾郎嗜淹韭勵志執貞素醲甘翻戟口二

子今則亡正味喪已久

松盤山

人幽邃野情路折開靈境鬱鬱蒼松盤巖扉暑月冷夜
半風雨作龍吟在中嶺

五老石

磊礫石數五其質乃瓊玖榛莽暫繁翳星芒貫箕斗將
移五老峰自有補天手

將入都金子最木邀諸故人集王氏林亭餞送
分得蘭雪二字

修篁蔭仄磴紆壑鳴幽湍巖半抗香榭木末縈朱欄盍
簪揆芳讌氣若澧有蘭琴壺寄妙理魚鳥延清歡細雨

颯然度秋風振微寒霧脚散近郊林氣連遠巒茗芋馬
足辭後會良獨難

平生一片心良友共昭揭願爲昌黎雲獨棹剡溪雪欣
慨或偶殊歸趣同所悅佳辰愛瀟灑酒壘爭瞥烈胡然
數日惡遽作千里別貞玉無磷緇流年易彫缺分手謝
故人勗此松柏節

曉過北王家營渡口

征衫寒盡五更霜路繞荒林入莽蒼星落長堤橫雁鷺
天連平楚縱牛羊朔風低捲孤篷白野氣遙沉曙日黃
立馬沙頭來喚渡尺波斗水歎無梁

桃源縣月中曉發

林外明河澹碧空驚回殘夢角聲終長堤隱隱連山遠
曉月低翻半殼弓

原野風酸起白煙埜人篝火策烏犍幾時畫裏依稀見
平遠荒寒老巨然

羸蹄霜滑路坡陀驚起哀鴻弔網羅一片平原衰草積
月中橫影似黃河

沂州道中

水斂沙洲出天圍朔野寬古墳當路裂健鶻逆風盤牧
遠牛羊小村荒棗棘寒緇塵休拂拭遠道正漫漫
屢向潢汙渡頻踰隴畷行戍空寒燒入路改斷橋橫雲
凍千山影風號萬木聲人煙梨棗畔隱隱見沂城

沂水微微漫河梁窄窄通魚沉寒礫罅日碎瀨波中沙
白晴疑雪鴉喧暮欲風翻思春水漲十幅掛高篷渡沂河
家家塘水涸處處棘籬長山色晴開霧人聲曉帶霜荒
原經燒黑病葉墮風黃欲問征夫意愁如轂轉腸

過青駝寺十餘里途中望西南諸山作

西南天勢窄連山壓其隅參差萬芙蓉浮海來蓬壺石
氣散空曲嵐光接虛無晶熒日采漾散亂青瑤鋪商雲
驟空涌翻飛夾金鳥恍惚洞府開寶界相縈紆銀瀑垂
天紳盥漱來仙夫騰空出翠壁縹緲交珊瑚光景何譎
詭疑展神山圖陰陽乍開閉晴雨移斯須足知山川氣
變動不可拘顏陽黯將落千里青糝糊

登敖山

僊靈踪跡有無間絕磴飛崖尚可攀豈是盧敖來往處
敖山隱隱對盧山

翠柏清泉絕景雙琳宮珠館卓竄幢蒙山不斷青如霧
倒映玲瓏玉女牕

巉巖石骨墜天西狼似羊羣怒似猊明日倦程回首看
碧雲兩朶自高低

新泰道中

廬落參差枕麥畦曉來岐路眩東西粘天平野依山盡
釀雪寒雲壓樹低逐暖幾羣違朔雁補鳴何處失晨雞
平生自笑嵇生嬾却逆霜風散馬蹄

曉發羊流店

新冰處處簇魚鱗
霜慘風酸欲透斷
野火微紅山店出
盧頭煖酒喚行人

瀰漫棗栗村村黑
瀕洞煙嵐嶺嶺昏
石徑沙坡回折處
馬蹄人跡印霜痕

亂山迴合路坡陀
曉起衝寒霜滿鞞
山下漲雲平似海
玉瀾吞吐萬青螺

微雨

隱約游絲墮依微
遠樹開噓空疑作
霧灑地不驚埃牛
馬冥冥去鳥鳶
颭颭迴道旁聞好
語壠麥長新莖

題固山驛

頓覺天形豁遙看
日色穿連山東到
海平野北趨燕柏
翠懸崖色碑昏破
驛煙征蹄欣出險
漫擬駕長鞭

客夜

霜氣沉沉碧漢橫
淒涼土鏗對孤檠
風穿破壁搖燈燄
馬齧枯萁起浪聲
旅夢還家天一角
荒雞迷曙夜三更
無端二十年中事
歌枕低徊百感生

大霧

杳忽時無路車行
漫自嫌樹梢浮靄
亂空際宿雲粘天
地陰霾塞川原沴
氣漸初驚秋黯黯
旋覺夜猷猷似露
微涓墜先晨朔吹
添遠疑花蒙淞濃
訝雨廉靈隔壠聞
牛鐸因扉辨酒帘
征途渾是夢客病
轉愁疴乍盛寒偏

劇將休意尚淹景州層塔近不放露微尖

暮次河間

野氣蒼然欲暮天心旌不定自飛懸城疑雲霧埋天末
雞似烏鳶宿樹巔月照雪泥微有路馬迴村曲淡生煙
河間漸近張燈火互看盧頭夜數錢

雪後經新城驟車陷泥淖中戲題

兩面長河一徑穿雪泥深陷蹇蹄顛書生驚籠離肩上
從事雞栖覆路邊退我墜淵真反手掀公出淖似登天
毀車殺馬高風邈顧僕號呼倍惘然

韓宗伯拜

御書篤志經學之賜恭題四首

聖朝崇講幄稱制考羣書易究坤乾始詩搜燕魯餘開

元八萬卷建武二千車不及今時盛通儒在石渠

斯文垂道統宿齒作邦型齋閣圖三禮衣冠拜五經卷
分黃白本字別墨朱形多士羣尊仰朝宗向北溟

三星看夾井第一是南宮位重緣儒術經明啓聖聰注
書輕趙啖直講邁吳豐帝寵垂優渥奎章拂彩虹

御墨輝丹地神書降玉清通經尊長孺稽古寵春卿喬
曜金芝茁琳瑯碧薤明從今馬鄭學肄誦徧寰瀛

呈澤州陳尚書

晉維西北屏水深山峽嶂景霍連太行虧避見日月份
河涑滄流滿萍勢駘越山川氣完固王佐實挺發顯爍
尚書公名德何高揭百代辨興廢九州仰繫榻巍巍天

子聖用賢邦國活公起登翹車來自聖人窟執節貞以
介凜若表碣渤正議侃不回風度羨囊笏古誼炳丹青
鴻仁及羸狨

尚書天北斗維吏職六典柄叙得其理器任集瑚璉古
制漸以隳察舉變銓選崔裴倒狂瀾資格笑泐忍吏胥
緣爲奸科條劇維繭居然聚蝎蝨根蔓不可翦我公領
會府風操美孤蹇一朝祛稗蠹快若秋原獮銀紅長名
榜注擬皆親撰百丈見澄泓千尋望巉巖左雄與山公
聲華相代踐

送王孝揚都統巡邊

朱邸崔巍繡戟橫雁行書鏤景鐘明西堂典籍經年展

南戒江山舊日營毳幕弓刀趨上將絳紗絲竹列諸生
慣容長孺前頭揖珠酒連宵細細傾
殊寵頻頒鵲印黃新承丹詔按巖疆霜明劍戟踰青塚
雪挾旌麾下白羊路指星張馳玉節令嚴刁斗懾羶鄉
閑傾狒狄銀壺酒倚醉題詩寄草堂

送友人之官銅仁

不須惆悵赴炎州已佩銅章作壯遊投轄固應臨溟津
奏刀寧必擇雞牛波深灘漩名黃蠟霧毒坡橫號石榴
忠信從來堪涉險佇看黎獠競鋤耰

上德州田山薑先生

懸匏產曲沃其質何微輕自顧根墜朽甘與蔓草縈忽

逢倫與隨觀之雙眼明傳以鳳凰翼吹作郎都聲終然
不適用弃擲同陶嬰幽過十五載不應磬瑟鳴倫隨欣
復起制律調咸英玉尺量衆材教誡嚴且精敢忘瓠落
賤器使邀題評重施汶陽篠振拂金簧清響射設篋簾
庶或薦一音

奉題陳乾齋宮庶青藜照書圖小像

仙霧香縈金粟顛天上樓臺高駸駸琅函瓊笈書萬間
小字標題雲葉禪前身中壘今春坊散髻風流白玉瑤
人間文字不足讀繙書獨傍銀潢左磨丹漬墨搃藝畧
袖底驪珠翠綃裏龍威丈人玉簡亡却迴笠澤收風舸
咄爾太乙誰使前霞鏤珮玦雲裝袞星躔光怪載杖頭

逆作雕檠紅一朵玄談奧旨湧舌本溟滓掀翻山礪礪
寄語寒廬渴睡生莫照過江藍色火

壽李蓬萊先生四首

先生汶上人
時官饒陽令

四汶迴清派中都得舊墟久詒君子澤況近聖人居學
出荀楊右經傳馬鄭餘斯文真有托那屑注蟲魚
白馬河邊路遙連光武城山川空故國射獵念遺眈人
在鏡中見吏從冰上行即看徵召去饒水比錢清
昨歲公分校冰心冷不邪網魚皆五色選驥必三花鑑
朗形先照書多氣自華自憐非劍器磨洗出泥沙
不廢登臨賞長聞曲讌辰杯香開下若臺古號先春許
遜真仙伯王喬本漢臣願隨彭戴後絲竹聽清新

集字題女史畫扇

點葉紛紛碧唵花脉脉醺唾嬌初着袖茜褪欲羞羣秋
豔應相妬春愁尚擬分好憑粉黛手箋夢與朝雲秋海棠
迴然獨立吐清芬同是秋花最出羣疑似曉涼逢月姊
淡黃雲護藕絲裙秋葵花

南歸途中口號

臘裏今年氣候和柳條如麩岫如螺客程倍覺南歸好
無那長安酒伴多

來往冰床箇箇輕湖冰萬頃望中平粘天摠作玻璃色
好似乘鸞貼月行

故里千秋杞棘悲南城名德至今垂安豐老去司徒死

始信人間隋淚碑

楊柳微黃柿葉殷巖扉隱見水灣環驟車顛側三千里
只愛蒙陰一段山

夢迴陡覺歲云邁人漫言愁我始愁山驛鷄鳴村樹黑
曉風月暈過沂州

甓社湖邊雨氣涼曆頭將盡意蒼茫遙知聽鏡閨中夜
暗祝征人拜竈王膺月廿四日
過高郵作

乙未亭詩集卷四

乙未亭詩集卷五

長洲 徐昂發 大臨

春日田園雜興追次范石湖韻

細雨邨厖似豹聲繞邨楊柳綠初成鳧鷖作隊飛鳴下
知是前溪春水生

花信江頭五日催魚罾竹屋映江開江波未漲蘆芽短
好泛河豚入市來

齊腰糴麥正青青布谷田邊早喚耕吹笛賣錫桃樹下
轉頭三日是清明

橋頭望子剪生柴市尾鑼鳴石首來海燕雙雙飛入戶
種秧先備豆稽灰

湖灘逼暮雨鳴雷魚艇衝煙箇箇回明日淡晴村樹綠
落花都上燕窠來

節過寒食草蛙喧新火分鑽榆柳煙茆舍欲移西澗去
牛池先鑿廢亭邊

柳絮成團亂打頭花邊野竹鏡邊舟今年且罷笙歌會
遊遍閑村當虎丘

湖上鮮魚抑鮓回家家煮酒趁青梅年來稽段長辛苦
勸爾十分缸面栝

田父今朝有好懷開窗共把及時杯雉鳴麥隴行還啄
鷺下魚梁去復迴

日長漸覺荷鋤勞困坐籬邊自抑搔已買栗園充橘戶

好烹燕筍侑鸚桃

買鹽村店敗荷包水碧牛涔雨隔宵處處青旗垂柳畔
竹頭繩縛小溪橋

是處秧田白滿畦鯉魚尺半上又肥芋區桑壠閑行遍
慢踏斜陽貫酒歸

呈西陂宋中丞二首

揚州賦下上肥瘠禹所制閔茲泉濕地征倍黃壤稅開
府比三司曰亦掌會計科條猶絲棼勞民跋以壹公來
肉其枯布宣 天子惠河內廩頻發青州荒有備伯仲
兩賢間丹青炳仁義淮海數千里田畷長嘉穗

風雅返正始海內師哲匠氣激徐庾靡格凌沈謝上鯨

翻波濤寬虎變神采王江山供賦材風月添吟況三吳
富文學殘膏足相餉旌侯射有的階席瞽得相韓杜詩
筆兼白韋聲價兩長嘯深淨軒千秋繼高唱

湖鄉即目

大麥離披小麥黃短裙青袂束村粧與郎對岸秧田水
一葉小舟橫岸旁

夕陽一片亂峰西釣艇聯橈轉曲溪蘆荻繞村茆屋小
綠沉沉樹叫黃鸝

無題

春來無事意忡忡小壘蠻牋賦惱公豆蔻開時常被雨
海棠睡起不禁風樓臺遠隔明河北絲管微聞落月中

妬殺飲香雙螭蜨一生長得傍花叢
金魚雙合鎖重廊密約難憑待報章玉柱雁移箏語細
檀槽鴿舞撥聲長花隨流水春無力簾透輕颺夢亦涼
一片閑情何處着下弦微月對空床

壽蔣雨亭開府

翛然儀觀凜長松平格由來受祉重出丙一星朝紫蓋
居東喬岳應蒼龍政成圖史琴壺暇人愛桑麻雨露濃
天子萬年公萬壽未須吾谷憶霜容
城南韋杜舊遊存吟恰追陪笑語温塔影參差黃葉寺
鳩聲遲急夕陽村歌湖鹿柴空延望雪釀鱸羹共細論
今日江關意蕭颯從公猶擬向琴尊

呈中州開府徐少司馬

巍巍萬仞山截崑當天半避虧見日月縹渺接河漢靈
湫龍氣潛陽谷玉光爛出雲作霖雨拯彼九州旱猗歟
司馬公卓犖同此觀六經苞心胷百氏辨根幹抑之溟
渤深揚之斗魁煥執志尚沉毅秉操備閭侃萬年天子
聖致治厲宵旰禹鼎象物明堯裳漆火粲公也實先後
拜手歌復旦膏澤下鋤犁功名紀卣瓚

經史如日月其功運天地舍業乃撮囊空談亦敝篲我
公務實學殫銳考同異歐陽善解經原父精治史編刻
歷歲年謨弼張古義曩者在蓬山禮樂盛昭賁三閣堆
縹緗五總陳篋笥琉璃紅紺軸琳瑯芝英字公時振鳳

采經史實所寄漬墨代天工漱珠抗鴻議坐言起則行
體立用必備功德被蒼生端從實學始

豫州天下中山川氣完固禮俗遺先民物產號繁庶比
聞少抗敝伊誰作蝨蠹我公秉名德保釐慰南顧奮若
耶莫斷凝如蒿華厝破聲揚震霆甦槁膏甘澍鷹化鳴
鳩馴蝨消嘉穎布從來患治道外強中則瘡公務民命
活元氣謹調護河洛數千里益然溢春煦在昔此邦守
名賢繼高步古人如可作韓范今重遇

碣渤表東北衆水會其壑斗杓燦珠躔衆星互婁絡大
賢士所歸羣言宗渾噩武庫森戈鋌鱗栢奏簫勺瓊尺
量錦舒水鏡向空擴疇昔兩秉衡文章啓關鑰陸相程

鈞石歐陽建鉦鐸鸞鷲接翼飛荃蕙連畹焯賤子實私
淑淵源欣有托媿非太阿質竊擬冶排躍缺養念親幃
切雲過經閣願從請益後治心謁良藥

消寒集分題狄向濤吉士甲園圖得綠天菴

簣簣滿塢翠掃天幽人躡屐尋蒼煙萬葉濛濛漏朝旭
捎窓拂檻搖空綠黃簾微颺風入床倒捲谿聲戛秋玉
庵中主人文酒豪歸來宴坐聞寒潮竹光墮地無人畫
寫詩自襲新芭蕉詩成門外月如水一片湘雲吹不起

暮春文讌分賦得楊白花

春風乍起楊花舞吹落楊花過江浦龜甲屏風曉夢寒
楊花飛去春無主香銷玉瘦淚沾臆楊花如雪春陰碧

江南人家錦繡幃莫鎖楊花護嬌白楊花飛飛春日斜
作窠燕子銜楊花明年燕子還重見漂泊楊花知憶家

題畫贈歌者管郎

松名羅漢洗鉛華翠影搖風五粒斜留得歲寒盟約在
更誰憐惜女郎花

羅漢松

梢梢鳳尾壓圓珠南燭新移入畫圖簡子未生紅豆老
祇應認作女珊瑚

天竺子

題秋聲圖

堦下清泉詰屈行竹梧交響月微明騷人何事偏三歎
歲歲秋來第一聲

歐九風儀儼若神昌黎遺像宛前身葦間妙語今重契

千古悲秋只兩人

姜西溟先輩嘗言昌黎秋懷詩與歐公秋聲賦千載一契

消寒集分賦得煤爐

誰人搏泥沙晨夕事燔燎方埴體勢同覆几形模肖週
遮壘瓦墜突兀占室與冶排鼓一氣穴竇分五鑿生煤
產深谷採斲歷層嶠錘入黝霧霏山破墜玉耀雖同林
粟功終非鳳炭料車載鐵籠弊囊盛羸蹄掉京師重煤
覲工比墨麝造出篁石骨堅印沙書脚峭並買堆盧頭
向煬候火到液鍊北山礦光穿混沌竅錙小不刻龍鼎
大那取郤長隨三距錡不離短尾銚羶翠細割治麋兔
自軒毛浮浮土氣蒸烈烈腥皸燒地厚積灰炆灸宿漫
脂膏黥婢兩頰浣廚孃雙袖皂伊余來京師南食謝夙

好初憂煤毒攻或煩親友弔淹久成老傖舖啜時獨笑
未暇惜勞薪居然欲媚竈烹魚藿葉鮮壓肉饊花妙焚
蠟怪齊奴爨香鄙黎獠苟資塊土力常得一簞犒臈日
晨炊時也擬黃羊禱

奉題賈可齋使君百石圖

日子來咸秦遊矚飽巖岫恒岳孤鵬騫太行萬馬走枝
峰直攫天蔓壑曲注溜磊磊隨澗邊碌碌列道右縱橫
礙車轉磬确妨騎驟入關見雙華拔地蓮萼秀驚此一
卷多壘成千仞瘦鴻濛幾時開爐鞴從誰剖忽覩百石
翁畫石破天杻一石一形樞百石百肌奏或如榷几曲
或如鐵鳳踣或如羽扇張或如山木朽或縱如驚隼或

穩如伏獸或騰如彩虹或偃如玉藕或如岐陽鼓篆刻
貫魚柳或如楚山猿醉弄舞杯手或如蜀川犀雪浪相
爭鬪或如剡溪笋風瀾自鳴漱端如正士笏垂如豔女
袖飄如雲孤翔皎如月方殼或叱方平羊或搗雲英白
或解宣子環或碎亞父斗俯或如墮甌蹲或如壞堠縱
縱或如煙若若或如綬瓌形眩題注皴法辨誰某當其
得意時獨立無與偶松釵與竹枝巾角及聖帝卷帛勢
淋漓濡髮神抖擻百怪入我腸真宰運其肘筆痕久已
化墨瀋空何有臯亭木落初赤壁秋風候蕉葉倚微酣
雲根出新構頑蒼掘積鐵秀碧割瓊玖直已奪神奇寧
獨矜透漏携隨衍篋中雅作琴壺友再拜具袍笏卧觀

勞頸脰旣笑贊皇癡猶嫌鬱林醜開卷忘醉醒表目缺
丁戊懸知百石圖恒華同年壽

華陰道中

暑氣隆隆未變秋追涼歇馬暫淹留雲中華岳千重立
樹杪黃河一綫浮放眼古今餘勝槩側身天地感窮愁
幾時直上慈恩塔百二秦關四望收

雨過渭南

一片浮陰黯暮天心旌不定轉淒然雲移暝色埋秦樹
雨挾雷聲度渭川客路盤紆愁失道騾車顛簸怯加鞭
漸聽點滴空堦歇忽放清光到枕邊

題慈恩寺三絕句

衰柳斜陽葉滿庭多生誰記佛名經朱書將相隨塵土
祇剩西風語塔鈴

誰結孤亭跨石砭野田雨過水淙淙千門宮殿笙歌處
一勺蹄涔是曲江

月舫燈球事可咍玉鋪珠闥久荒萊夕陽一片誰憑弔
雀語蛩聲話劫灰

西溪

鄭亭杳何許寂寂倉庚啼岳蓮雲氣斷澄碧開西溪瀟
灑亂清泉涓涓來翠畦逶迤繚狹鏡詰曲迴香堤瀕澹
畚秀木空明泛連鷺老杜賦詩處芳鮮散柔荑千秋水
一彎豔艷搖玻璃昆明與太液煙雨駟耕犁

清溪何淪漣亭館久寥泐已嗟蘋葉老猶欣澤菹潔魚
戲影中天鷗翻鏡面雪夾溪田水注交流聲活活是時
適刈了田水光澄澈一角倒太華高低備層列疑染水
墨痕峯巒分曲折此竒實竒見岳蓮容攬擷悵然謝山
靈恨乏丹青傑

經張茅鎮作

溪山何窈折向背耳目變林缺野寺開谿迴峰勢斷行
行殘雪中瀾漫紅實爛素嶺接寒峪升降行旅見忽然
晴日吐晶熒欲轉眩疑連滄海路瓊玖橫臺觀雲日與
雪光參合不可辨山川蘊靈秀景物生竒刁海宇展心
曾悠然靜者便

初冬雪後山行

曉來跋馬怯西風，邨塢沮洳細路通。
絕澗暗鳴深雪底，數峰渾在漲雲中。

雪堆寒峪看人入，風振枯蓬雜鳥飛。
古寺疎林斜日外，木棉滿地野花稀。

仰陟崇岡下谷坳，纍纍紅實雪中交。
暮雲生處微陽斂，風打寒鴉落樹梢。

車行望洛川

驅車陟崇岡，憑高意揮霍。
左瞰北邙山，高墳四羅絡。
千峰湧我右，太室何盤魄。
山川自古今，英雄久寂寞。
管葛不無人，巖居或耕作。
悠悠見洛川，川光淨如淪。
水落沙

衍出霜清林影薄，波流勢折盤雲日。
相參錯，淡碧空明中。鷗鷺紛棲泊，
吾生欲何依，長歌向寥廓。

循洛東行即目

策馬循東麓，行行露漸晞。
雲移虛動石，蓼密半藏磯。
山影孤帆颺，川光一雁飛。
依稀開畫卷，樹綠暗邨扉。
荻老愁煙浦，花纖妬錦文。
秋山寫空水，遠樹沒寒雲。
蟹舍堯黃葉，漁舟愛暮曛。
只疑江上望，沙渚亂鷗羣。

汜水縣

荒城面東南，西北土岡迫。
隨岡立雉堞，規制如曲尺。
此地即成臯，巖疆古東虢。
時衰亂豺虎，形勝關襟隘。
哀哉用武地，風雨號枯骨。
方今際清宴，鑄耜銷長戟。
斗大此

荒城繞城生宿麥

衛相道中

城外帆檣密城中野草深街通秋澗水柳護小橋陰寺
 遠經聲細雲歸雨氣沉空餘五馬貴鈴閣亦蕭森
 沮洳藏萬壑淇水屈東行觸石奔雷怒爭流噴雪明殷
 墟遺事遠衛國舊風輕欲問淇園竹空餘淇水聲
 蔭路垂楊樹連陰兩舍餘霧凝懸木稼葉老漫蟲書封
 殖斯美矣增修益勉諸道旁留古碣先後頌河渠路旁有
鄴二大

廟夫

聞道清渠水遙來自玉泉鬪茶宜碧餽糴米愛紅鮮流
 草潺潺綠噴珠故故圓泉源如甕口應信野人傳

贈同年郭臨朐明府

幾年雲樹鬱參差兩度班荆益夢思悵無華真漢吏
 疏通知遠古經師范魚雖困春蠶殖馮馬寧羸耕犢肥
 我是乘風來海嶠尚餘蟬腹伴君饑

題畫送曹羲文下第南歸

尊前拗取翠絲長珍重相携到越鄉莫戀東風殘氣力
 強留飛絮蕩斜陽右春明
折柳圖

黃鸝聲透棟花寒路近江南客意歡楚店杯殘和睡聽

要它三請上征鞍右楚店
聽鶯圖

題朱字綠濯足圖小像即送之還江南

我來躑躅長安陌牛溲馬矢紛狼藉十日始得一盥洗

苦水平栢傾鹵漚醉中好夢還江南明湖如鏡峰如簪
泉聲卷瀑松漱雨一片荷香繞衡宇平頭艇子蘆人裝
棹月唱歌度江浦夢迴恍惚在菰蘆客來示我濯足圖
拂裏清風紙上起微波鱗鱗石齒齒巖恭山下杜溪邊
雌蜺雄蜂掠芳芷看君落筆春雷轟碧海卷浪翻長鯨
何爲跣足臨寒澗畫中老作溪山伴溪山如畫不如歸
門前塵土埋雙胛

耶溪圖

丹楓烏柏繞溪斜名勝招人到若耶半榻琴書秦系宅
一園梧竹謝敷家

山如波浪層層動泉似琴箏處處聞我欲乘風歸此地

谿堂長借一間雲

館試擬四時讀書樂

春山如笑柳欲眠黃簾綠幕陳緗編焚香坐對古師友
撫絃響動名山川羣鶯亂飛花滿樹悠然自領讀書趣
讀書之樂樂何如碧池風皺生漣漪

四圍柳色藍於江虛堂獨坐影作雙荷香掩冉風入檻
竹聲摩戛螢投窗微涼自覺生心目舊書不厭百回讀
讀書之樂何處并星河倒影同虛明

天高石瘦江樹空候蟲叫壁燈微紅一語振觸增累歎
千年哀樂迴孤衷志士從來務幽屏還向書中得脩綆
讀書之樂樂未央心洗秋月開秋光

嚴風攪屋霜入裾枕經藉史歡有餘蘆簾漏日朝炙研
松脂爨火宵抄書推窗一望四山白滿懷冰雪讀書客
讀書之樂樂陶陶雙鉞水火鳴笙簫

郊遊漫興

西峰一桁接垂柳萬條斜蝶避低飛燕風迎半落花路
迷盤折坂橋斷值浮槎望望前村近山桃放曉霞
名籃遺勝國賜額遍神臯北斗層簷宿西山左城高匠
心窮綺麗民力瘁脂膏 聖代崇仁儉長無土木勞
梵宇何寥泬離竒古樹稠根柯龍虎變皮骨雪冰鏤神
物輕千歲明堂挽萬牛只應三伏過風葉卷高秋
闍寺傾家國傷心覆轍頻中原紛錮黨萬乘屢蒙塵

國忘先誠危言惡直臣即看高冢接碑碣尚嶙峋

內監丘冢後園圃自相通樹色交深淺花香間白紅梨
殘晴雪舞杏遠暮霞烘歲或尋遊屐長依花信風

廢圃閑吟入行行小住嘉亭歇牽翠蔓樹老吐新花萍
漫初生水雲殘欲變霞意行忘近遠此適最無涯

玉藕香搓頸仙桃豔注顙眉痕斜却略眼態巧低徊鴛
履徐徐轉雕輪續續迴芙蓉雙臉露惆悵點輕埃

碧岫如迎送清溪自折旋草香盤馬地柳暗踏春天魚
麥情難忘琴壺興尚偏欣然聊永日莫厭此山川

送人之官瓊山

握槓成書後承恩結綬年路經三峽下縣壓四州前日

月潮聲內蓬壺曙色邊焚香無一事浮海比游仙
送君南去路是我昨歸程峽樹開天小江罨應雨鳴酒
傾椰子熟舟入橘花行待寄相思字風吹船趁輕

代友人惆悵詞十二首

偶然顰笑想看山頓覺愁多白日閑惆悵晚風吹夢醒
一枝花影有無間

香篝不煖簟文涼愁病相兼避酒場獨坐閒行消底事
近來難覓是心鄉

兩日無因巧笑通游思不定漫西東此生分向沉吟老
翰與羊權尚得風

朝暮沉吟意若何比將蓮子未爭多酌中顛倒生雙蕙

半是拳荷半蕩荷

莫將穠豔比風標淡月輕雲漾柳條不笑不言情萬種
報君有淚似春潮

永日傷心不自由惜花無計替花愁東風何事顛狂甚
摧折芳枝意不休

花影花香在夢中狐疑心事雨兼風可憐愁淚年年積
漲作銀河路不通

三山事息意猶疑衆裏爭禁瞥見時翻似避人顏薄怒
猜嫌深處是相思

深閉花枝掩畫螺傷心牛女觸風波敢思七夕年年會
爭得相看對絳河

隔院聞聲淚暗流
縱然相遇只低頭
也知啼笑真難事
卿已深諳我更愁
兜鞵小立不回頭
一片心情可自由
花底若爲尋活計
只添長恨與長愁
花因稱意愁長閉
月到傷心在最圓
默數年來惆悵事
更無好夢薦孤眠

重代友人雜憶十絕句

白日空馳怨歲華
心旌不定夢交加
牽愁最憶匆匆夜
細認睂山約鬢花
隔屏斜立伴斜曛
欲去迴眸意轉殷
一捻繡鞵看不足
好風重爲颺羅裙

偶無人處獨徘徊
笑壓迎看兩意諧
最是情多恩重處
慣將纖手寘人懷

遠看平視自生妍
標格天成出水蓮
不但淡粧輕掠好
笑顰行立揔嫣然

含顰小步轉長廊
眼底睂尖密意藏
低語昨來新入月
郎心莫共絮顛狂

眼波澹澹染霞光
淡淡螺痕映額黃
睡足好花香霧裏
殘粧猶自勝濃粧

聞說朝來對鏡疑
病容扶起意遲遲
暗中憐惜防人覺
腸斷低頭忍笑時

金堂嫌隙漫生波
爲有情癡任折磨
手寄一緘郎認取

紅綃三尺淚痕多
巧藉微緣到桂堂引嫌還自欲遮藏背人忍淚通私語
多半模糊費思量
落花天氣酒塵生病卧蒙頭百感盈欲譜恨詞傳舊夢
芙蓉城裏問芳卿

乙未亭詩集卷五

乙未亭詩集卷六

長洲 徐 昂發 大臨

宮詞 韓宗伯先生序

吾友大臨少負雋才妙領英絕芙蓉之句散落人間薜
荔之衣依然舊物秦機不遇徒織寒女之絲韜玉自傷
久擲他人之綫歎蛾眉之易妬托鳩鳥以何時斯平子
所以結美人之愁而初明不禁落通天之淚者也嗟乎
文人偏宕才子經竒佛助不羈自然蛺蝶飯顆太瘦易
感杜鵑遂乃含情小碎之篇涉想大羅之記近探勝國
遙托宮詞上言朝會之多儀不同綿叢中紀歲時之勝
事率類柳園至於並輦承恩貫魚登寵宮中香滿何處

夜來掌上風迎恐其仙去此如犬子賜一杯之露曼倩
偷千歲之桃飛箋宰堵坡前落筆沉香亭子也若迺池
中蒲葉亦復苦愁篋裏扇紈忽然捐棄甚至秋孃金縷
商嬪琵琶此如倦客飄零孤臣放逐梁間玳瑁海燕竟
無主人塞外葡萄玉驄不逢善相浮雲南北溝水東西
步兵慟其窮途楊朱泣於岐路者矣詞宕知歸亂來終
雅至如南都閨位後主小樓宰相得浪子之名宮人唱
無愁之曲玉兒何能報主小憐遂已破家夫復何言闕
如而已昔者長吉作體多爲阿環仲初擅場半綠花蕊
豈若句中著眼絃外有音恍惚爲荒臺神女之詞髣髴
有養卒才人之感方今盛世篤厚前朝吾丘無帶劍之

人西陵容上脯之祭憑茲詞客不畏鸚鵡前頭況是君
家尤添珊瑚故事儻使聞之協律定諧玉籟涼州或亦
比作遊仙不緣銀河織女云爾康熙甲戌陽月慕廬韓
莢序

白玉闌干生紫煙雲金門聳接三躔柘黃帕子緗綾帶
草本齊呈御榻前

芙蓉液進萬年觴小小針枝禪鬢旁製就珊瑚紅蝙蝠
齊天兩字嵌中央

奠告先師九聖前入春初啓小經筵綴行金繡東西立
微見香搖鶴頂煙

寶冊炎炎玉檢盛書追鍾鼎自分明大家特讌黃扉老

鏤鳳金样出鹿羹

鞭聲初歇御香來
豹尾槍齊雉扇開
卓影辟邪黃絹裹
內璫橫抱傍金臺

女官紫袖拂東風
揭帖傳來暖閣中
寶璽歲行三萬顆
金盆磨洗鵲文紅

奉先殿裏薦新筩
紫杏青梅趁麥秋
記得舊京遺勝事
檢花五百最風流

閱稼南臺五月天
綠楊垂影見平田
桔槔水足鳧鷗喜
飛入昭和小殿邊

風清刻漏傳銀箭
日引花叢覆玉階
上直宮人都避路
內監來換午時牌

禁城煙樹晚低迷
刻漏分明鐘鼓齊
收盡金鈴七十二
宮鴉翔噪各東西

午門喚仗頒新曆
內裏齊簪寶萬年
金蹙鮎魚攢赤荔
珠排梵字印花鈿

珠翠裝花綺結樓
勾芒前後簇春球
少年竄改諸生服
暗向宮中挽土牛

秘殿朝開敞玉鋪
立春春繭供样盂
九蓮菩薩昇雲後
雙樹長懸多寶珠

先蠶壇接采桑壇
儀適先呈內殿看
從祀歸來紗帽側
暮春花信麥風寒

油幢羽葆曉童童
積翠坊頭舊偃松
都督勲階誇第一

笑他魯樹受秦封

盤龍錦段製屏風金碧山川細染烘
七里瀨邊三尺水釣車橫在夕陽中

武英殿裏錦帷開黼領花冠命婦來
趣喚內人供餅餽紅糖點出似瓊瑰

嗟峨煖閣切清霄琰染驃留幕紫綃
一部雲璈兩行燭喧傳步輦過天橋

小步風前響玉琚教成歌舞十三餘
昨朝新選王妃入撥向元暉殿裏居

別殿昭儀夢賜蘭平明排宴敕中官
六宮都送金絲合一樣盤龍爪拉冠

小部檀槽倚玉箏官廚百品擷精英
霓裳仙子前頭立夾案更番細數名

細奏仙韶獻樂方深宮讌罷夜猶長
欲分蘭燭親書卷寶炷潛燒起馬香

皴染何須破墨煤滇南新採石屏回
移時五岳簾邊立爲看雲龍出海來

鰲山十二壘層臺甲煎香濃寶殿開
到處簾鉤齊放下御前一帶滾燈來

釵叢新插鬧蛾兒轉憶春遊後苑時
撲得一雙花蛺蝶殘鬢重與換銀絲

煙中花朵開銀樹火裏珠璣簇蜃樓
比似投壺天一笑

魚龍百戲等閑休

門鏤瓊花曉霧籠紅絃銀甲奏東風賜來鳳尾江南橘
裹在雙蟬錦帕中

乘鸞仙女畫青紗團扇新裁繡帶斜當直宮奴傳賜宴
鮮魚擘鮓趁桃花

小山子畔展瓊瑜戲賭藏鈎百草輸忽地回身龍吻過
隱花帚上落明珠

女伴相邀看紫藤夢中聞喚不曾應酉時忽唱金牌到
夾道銅樓已點燈

宣賜名花殿晚春紅蘇不記舊香痕內家齊插花枝了
拜舞金階謝至尊

宮柳長條一帶青木蘭小槩掠蜻蜓水花岼葉開無數
獨採中流九子萍

蝶翅蜂鬚繞藥叢錦盆堆裏領春風趙昌粉筆徐熙墨
小字金泥碧葉中

漆合金描小鳳皇奩邊移飼馬頭娘畫長閑過蠶池畔
桑椹收來一半黃

飛虹橋北立松杉曲磴鈎迴見石巖繞到凌雲最高處
紅花碧刺挽輕衫

舟裝龍鳳結樓臺錦紵蘭橈次第開側舵天鵝房畔過
鴛鴦瀾瀾點波迴

龍舟泛罷鼓淵淵射柳分朋驟錦鞦看過數番驃騎走

綵球高處鞠場圓

五毒宮紗映玉環榴花猩色點垂鬟金韉細馬輕馱去
夾輦從登萬歲山

水榭風簾細細香荷花荷葉繞池塘採將玉蛹華房實
把共銀芽嫩菜嘗

水殿紗幮繞玉螭好風亭午忽來時刻溪湘浦生秋思
閑寫宣皇撒扇詩

魚蝦萍藻滿方池膠漆丹青出手時玉座前頭呈戲本
齊吹畫角颭紅旗

乞巧山邊奠玉杯鵲橋宮扇合歡裁持針暗禱占年命
恰有紅蛛掛鏡臺

筵糖妙作女牛形獅象紛排薦綠醺臺上試針先得巧
整粧重祝拜雙星

翠旌絳節一層層齧鑠金猊香霧升一派仙瑤雲漢轉
玉熙宮畔點河燈

寶幢法鼓動清冥殿角明珠綴列星卸却髻梁釵燕子
紅袍黃領念番經

鵲橋銀漢舞衣紅閑在珊瑚小架中邀得並房宮女到
木犀花下鬪秋蟲

法酒齊分秋露香蟹螯初劈白於霜剝成蝴蝶堆銀盃
蘇葉還傾洗手湯

桂花涼露滴珠胎西內齋宮撒斗魁三十六聲丹鳳響

遙傳靈藥九天來

天開雲錦爛生輝
珠鞍香幪繡作鞵
選得七龍俱上駟
承恩最有玉麟飛

涵碧亭邊野菊班
初三斜月照彎環
梨園小部清歌發
殘拍猶傳鄭隱山

調鷹內苑草猶青
野雉驚飛入杳冥
玉爪一雙雲裏出
旋摩臺畔落紅翎

鳳喙金泥玉靶橫
窄衫盤鷗掠風輕
莫欺月暈長眉女
親扈君王獵虎城

佳人殿覆黑琉璃
萬乘親迎踐密期
不怙深恩還諫獵
斷腥應得比樊姬

千古優俳郭舍人
君王一笑頓生春
百回過錦人間戲
駭女癡兒總未真

打稻紛紛戲繞場
扶犁稚子浴蠶娘
縑車秧馬村家物
演作秋來一日忙

金距花冠各樣題
鬪棚明日要勾稽
五更玄武樓中絕
早點紅燈待貼雞

太液池通銀漢流
斗牛挈霧攫雲遊
曉來忽報池冰立
花草蒙茸捧玉樓

金鳳刺衣圭刻短
玉虬注水漏聲孤
香醪煖逼紅籬炭
先酌綿羊太子圖

池冰四合日爭光
紅板低欄扁樣裝
兩岬繩竿飛迅下

玻璃鏡裏放冰床

玉戲初看第一巡雲階月地白鱗鱗滿宮眉黛春山遠
偷眼三千掃雪人

鑪香綈几裊輕煙應制新詞夜自編襪取玉紅書小字
沉沉疊鼓燭花偏

承恩玉輦奉追隨繡帶東風葉葉吹蹻歷門邊穿徑去
歸來誦得透玲碑

階前臘雪爛銀砂煖洞薰開五色芽明日玉芝移宴處
隔簾奏進牡丹花

紅羅殿裏鬧如雲錦段堆床五色分却與彩妝裁窄袖
更無緣分製宮裘

巧樣宮幡鞞燕釵彩粧插羽立庭階笙歌叢裏看燭歲
院院香燒柏板柴

學畫雙蛾寶鏡開珊瑚舊匣卸粧臺移盛着子鸞環硯
小篆旁題女秀才

蠻撥犀槌色色新六么催按第三巡纏頭自向君王乞
不用從來豆葉銀

赭黃小袋墨金丸烏柘新弓挂寶鞍愛聽栗留花外轉
背人飛過不曾彈

一樹濃葩綺閣前萬重羅幕護香妍花枝自覺三春暮
偏得東皇分外憐

大高元殿聳青冥倚寵曾邀玉輦行密誓御書蟲蝕盡

君恩深重妾緣輕

鷓鴣學語畫眉青
選得良家八九齡
掛項夜光珠一串
驕人新賜出坤寧

紫襦雙帶唾痕浮
挽得東風小蝶留
一片綠陰花樹下
人前初試背身球

藕花微白芡花紅
屬玉低飛水面風
明月也隨人意好
官家今夜宿舟中

華堂開向玉河濱
寶鼎香消舊日春
好把銀箏藏繡袋
碧曇長拜畫中人

漫倚傾城巧笑存
可憐命薄亦休論
傷心雨露春風句
縱被陽和未被恩

鳳撥調絃奏琵琶
海棠時節降金車
自憐解語東風盡
不及回龍觀裏花

京師生小識繁華
寂寂深宮怨落花
長記耍青携姊妹
女兒節裏倍思家

碧鸚鵡語對紅樓
促拍哀絃唱石州
伏日總饒長命菜
可能消得一生愁

望斷羊車不復來
自憐薄命類輕埃
蚪龍塚畔回身立
願奠霜眉酒一杯

絳趺落處霞三尺
素蕊開來玉一叉
好乞芭蕉園裏住
輕寒細雨獨醫花

題宮詞卷後

丘南 汪 琬 鈍翁

裏頭阿監已無存處處原陵野色昏誰是宣陽鬪雞
叟向人雪涕說開元

怡悵宮娃有廢斜繚垣荒徑入田家春風麥飯無人
灑吹落棠梨滿地花

秘籍如新寶璽紅標題一色錦綾同平原小楷龍眠
畫流落慈仁賈肆中

御柳宮鶯歲月賒遺民不記舊官家江南少俊才如
海獨爲東京錄夢華

德州 田 雯 綸霞

石城輦道苔封久舊巷紅墻雨壓歌却怪徐郎偏作

態野花黃蝶譜宮詞

安世房中曲莫傳淋池游讌幾何年笑它南渡無愁
在不入玉臺新詠篇

白頭飛盡夜啼烏天寶遺聞記得無曲項琵琶聲未
絕螭紅寒淚作珊瑚

長洲 韓 茨 慕廬

華清何處雨如塵遺事傳來語語真一曲新翻河滿
子可憐無復舊才人

記得當年璧月時君裁摩頂石麟兒滿宮蓮色紅綃
上可是前身江總持

宮體君家久擅名多才不偶可憐生玉谿錦瑟長依

托認取無題別有情

四明 周 斯盛 鐵珊

鬼火青熒欺白晝
監毛人立嗥
狢云是誰家帝王
宅金屋瓊臺連結
構蛟螭築尾盤紅
泥鳧鴨銜珠攢
碧甃脉斷江山土
石枯煙昏日月
騏驎鬪蟬衫鈿帶
散行雲淒涼輦道
埋銅獸徐陵賦筆
鐫珊瑚宮體裁
成斲語秀冰覘調
箏聯雁飛玉牙捍
撥單鳳奏揔向
斜行字裏來墨灑
古香朱印籀故宮
曲澗哀湍漱宮
桺招腰波綠皺句
驪新樣製蠻韡爲
君舞破東風袖
君不見冬青樹老
鷓鴣啼龍蛻無靈
苔蘚厚不及年
年寒食天玉鈎花
草春如舊

研谿 惠 周惕 元龍

蜀錦裏長迴楚舞
胡槽柱短咽湘絃
不須更綴斜行
字一曲霓裳便惘
然

大臨云詩成
後亡失小半

鼎湖龍馭已無歸
舊頓蒼苔冷翠微
獨有金鳧留不
住時時還向日南
飛

六宮遺蹟已成塵
無復金蓮點繡茵
每憶夜深花影
句可憐空妬詠詩
人

玉女窗扉曉霧籠
黃幡百尺下相風
九成原是隋家
舊更有何人識故
宮

國子監藏書

國子監藏書

